

補續全蜀藝文志

補續全蜀秘文志卷之五十一

黃岡杜應芳

裁

景陵胡承詔

志餘

小紀六

宋五祖珎禪師一日眇晃影而悟一日道拾女童畚
之既長獻茶有勸手中座元忽厲聲云方丈火率衆
往救之及至師已坐逝座元曰此老再來將與吾教
隨亦遷化易身爲佛印師時眉山蘇老泉夢之眇目

僧至宅乃珎師也是夕生子瞻號東坡居士與印師
爲方外交語多寃竟遂成宿昔之好

東川解魔寺僧吉祥魁梧多力受飯五鉢日夜誦經
九函池中魚知其數以名居之皆出水面使去即沒

白孔
六帖

宋大隋南堂元靜禪師閩之玉山人十歲病甚母禱
之感異夢出家師大隋寶生院宗裔元祐三年通經
得度紹興乙卯秋七月大雨雪山中有異象師曰吾
期至矣十七日別郡守越三曰示少恙翌日期日解

院畱疑蛻淚示寂壽七十一烟霧四合猿鳥悲鳴香
遍野舌本如故舍利五色者不可勝數瘞于定光塔
之西

無瑕禪師名廣至資縣人也生而沉靜古朴年三十
餘遇異人遂別家至大足縣寶頂寺祝髮受戒戒師
問曰僧在甚麼處來主曰師在甚麼處問師曰慧燈
高照起看王曰威音飛進鐵圍城洞泐踏破無生地
師笑曰原是大手王去遊峨嵋山九老洞中見白牛
師師曰誰也毛頭將禪杖過來我打王曰雖在亦非

在真人超天外這杖打空中枉自辱四大師曰如是如是王又至瑩華山依惠堂禪師大悟宗旨一日與大眾登絕頂望見天彭九峰之勝自負熟麵三升徑詣九峰栖息聖燈崖洞中趺坐四旬採南星苗食之夜常有一老熊驚跳崖前王方攝念熊不敢近頃之一虎至咆哮躑躅王定寂如故虎移時遁去由是名振四遠沙門從外方來者咸頂禮師事檀越爲之剏寺名曰雷音數有里內何風虔拜者不問老幼賢愚手爲拈摩或取頂帽敝繻尤之令服無不立効焉萬

曆癸未十二月朔自言十二日當化去其徒泣留之弗果至甲申二月望日又曰三月初一是吾涅槃期矣遠近聞者登山爭覩且與其徒苦留之乃以初七日之晨沐浴剃髮趺坐道偈云反身登臺化樂天隻手單拳不用船百萬天人獅子吼空中還有不二禪及昧爽卽雷電風雨大作山谷震動若崩端坐而化至今容體儼然若生髮亦漸長如未剃時四方來觀者無不驚異云青霞外史邊維垣曰余聞之先師云朝聞道夕死可矣夫死生亦太矣而以繫于聞旦夕

之間故冥然而生匪生也全歸而死匪死也士號稱
仲尼之徒者類能力排佛老而昧三戒之旨叛玉常
之幣寄蝸牛于遽廬滅鱗蠃于蚊睫者何限以今觀
于王公慧德龍潛冲形蟬蛻其視生死旦暮若過客
之在逆旅行止去留一任其便蓋飄飄然大虛之風
雲也是或一道也與哉

彭州釋知玄一夕有一珠自左足下流去苦楚萬端
諦視其珠中明明有鼎錯二字乃知玄是袁盎也會
因七國反奏斬錯以謝吳楚而王故爲嬰撓耳一云

玄前身名鉉漢州三學士講十地經感地變琉璃
此事豈在旣洗三昧泉之後乎說誠荒唐姑存之以

志異

宋高僧傳

智潤禪師陝西寶雞人洪武初雲遊至彭居龍興寺
始脩殿宇兩廊士民忻助三十餘年不安床席晝夜
惟一木椅跌坐戒行孤潔洪武二十七年蜀獻王召
住昭覺寺賜號光照禪師一旦無恙沐浴坐化壽八
十九塔塋於西禪寺

出古志

柳律師名法本臨江鄉人自幼神秀類異父母惟師

一子猶愛重之市七歲舉動如成人一日忽告父母
曰兒久處塵寰俗緣未釋今欲弃俗惟願二親莫以
兒爲念父母苦止之繼之以泣師乃絕粒不食父母
懼姑從之遂削髮入山絕跡不踵家門勤修苦行日
夕不輟年及十五經律論藏無不博覽遠近咸瞻禮
之韋處厚守盛山與爲方外交年九十九一日告衆
曰緣業殆盡吾將西歸汝輩宜自勉端坐而化大覺
寺有師苦行碑剝落

開縣志

宋成都府有僧諱法華經有功雖王均李順兩亂于

蜀亦不過雷一日忽見山僕曰先生來晨請僧誦經
在藥市奉迎至則已在引入溪嶺數重烟翠見一跨
溪山閣乃其居也僕曰先生請師誦經老病起遲
若至寶谿品乞見報師報之先生果出野服藜杖兩
眉垂肩默揖焚香側聽而入齋則藤盤竹箸林飯杞
菊不調塩酪美若甘露飯訖下襯一緩僕曰先生寄
語遠來不及攀送僕卽送行僧于中途問曰先生何
姓曰姓孫何名僕卽于僧掌書思邈二字僧曉駭僕
忽不見凡尋三日竟迷路踪歸視襯金乃金錢一百

由茲一儼身輕無疾至大宋元禧甲午年一百五十歲
長遊都市後隱不見

同上

梁釋慧韶年十二出家具戒遊京聽講以義淺乃聽
開善藏法師講遂覺理勝當夕夢採得李子數斛撮
欲噉之先得枝葉覺而悟曰吾從學必錢深極矣後
梁武陵王鎮蜀請于龍淵寺講見一青衣神拜曰願
法師常在此弘法當相擁衛言訖而隱後法化盛行
是年七月告衆安坐而逝

龍淵寺即今之石犀寺也
同上勸善書

唐玄宗入蜀夢孫思邈乞武都雄黃乃命巾使齋雄

黃牛斤差於峨嵋頂上中使士山來半見一人幅巾
被褐鬚髯皓白三童書衣冠髻髮人待立屏風側以手
指大盤石曰可致樂于此上有表錄上有皇帝中使視
石上朱書有餘字遂錄之隨寫隨滅無異石上無復
字矣須臾旬氣溫起因忽不見

酉陽雜俎

玄宗學隱形於羅公遠致衣帶或巾角不能隱上詰
之公遠極言曰陛下未能脫屣天下而以道爲戲若
盡臣術必懷重入人家將困於魚腹也玄宗怒慢罵
之公遠遠走入殿柱中極疏上失土愈怒令易柱破

之復大言于王鴈中乃易鴈觀之鴈明瑩見公遠形
在其中長寸餘因碎爲十數段悉有公遠形上懼謝
焉忽不復見後中使放蜀道見之遠咲曰爲我謝陛

下西陽雜俎

蜀有道士陽狂俗號爲灰菜翟天師晚年弟子也翟
戒其徒勿欺此人吾所不及常大雪中衣布褐入
青城山暮投蘭若求僧寄宿僧曰貧僧一衲而已天
寒如此恐不能相活但言容一床足矣至夜半雪深
風起僧慮道者已死就視之去床數丈氣蒸如炊流

汗祖寢僧知其非人未明不辭而去歿往村落每住
不逾信宿會病口瘡不食數月狀若將死人素神之
因爲設道場齋散忽起就謂衆人曰試觀吾口中有
何物也乃張口如箕五臟悉露同類驚異作禮問之
唯曰此足惡此足惡後不知所終成式見蜀郡郭采
真尊師說也

酉陽
雜俎

余朱真人金鷄閣下有石室石像故志稱通鑑云姓
余朱氏字通微不知何許時人以遇異人受還元煉
丹不死之方自號歸元子隱鍊於此山一日常遊成

都新都廣都間至莫仍還丹室有日遊三都夜宿金
鷄之諺余考重慶志云余朱洞其先出元魏余朱族
遇異人得道唐僖懿間樂拓成都市中於江濱取白
石投水衆莫測後自果至合賣丹於市價十二萬刺
史召問其值更增十倍以其反覆以獲寵棄諸江漁
人姓白石得之授以丹三人俱仙去張商英爲作傳
再考其客蓬州亦類是焉

蓬州志

唐玄宗射中一鶴帶箭西南而逝益州青城山道士
徐佐卿一日忽不懌謂其徒曰國爲飛矢所中尋也無

悲然箭非人間所有吾掛於壁後年箭主至則付之
及帝幸蜀偶至觀觀箭取而玩之乃曩歲射鶴御箭
也深異之

蜀中有一道人賣自然羹人試買之盃中二魚鱗鬣
腸胃皆具鱗間有黑紋如一圓月味如淡水食者旋
剔去鱗腸其味香美有問魚上何故有月道人從盃
中傾出皆是荔枝仁初未嘗有魚并月則笑而急走
回顧云蓬萊月也不識明年時疫食羹人皆免道人
不復見

宿退
錄

則天末年益州有一老父携一藥壺於城中賣藥得錢卽轉濟貧乏自不食時卽飲淨水如此經歲餘百姓賴之有疾得藥者無不愈時或自游江岸閒眺永日又或登高引頸不語每遇有識者必告之曰人一身便如一國也人心卽帝王也傍列臟腑卽宰輔也外具九竅卽群臣也故心病則內外不可救之何異君亂于上臣下不可止之乎但凡欲身之無病必須先正其心不使氣索不使狂思不使嗜慾不使迷惑則心先無病心無病則餘臟腑雖有病不難療也外

之九竅亦無由受病也況藥有君有臣有佐有使或
攻其病君先臣次然後用佐用使自然合宜如失其
序必自亂也又何能救病此猶家國任人也老夫賣
藥常以此爲念每見愚者一身君不君臣不臣使九
竅之邪恣納其病以至于良醫自逃名藥不効猶不
自知悲夫士君子記之忽一日獨詣錦江解衣淨浴
探壺中唯選一丸藥自吞之謂衆人曰老夫謫罪已
滿今却歸島上俄化爲一白鶴飛去其衣與藥壺並
沒於水求尋不得

瀟湘錄

張殖彭州導江人也遇道士姜玄辨以六丁驅役之術授之大曆中西川節度使崔寧嘗有密切之事差人走馬入奏發已三日忽於案上文籍之中見所奏表淨本猶在其函中所封乃表草耳計人馬之力不可復追憂惶不已莫知其計知殖術召而語之殖曰此易耳不足憂也乃炷香一爐以所寫淨表置烟上忽然飛去食頃得所封表草墜于殖前及使問之竝不覺進表之時封題印署如故崔公深異之禮敬殊常問其所受道之由云某師姜玄辨至德中於九

龍觀捨力焚香數歲因捨得殘缺經四五紙是太上
役使六丁法咒術備足乃選深山幽谷無人跡處依
法作壇持咒晝夜精勤本經云一十四日玄辨爲九
日而應忽有黑風暴雨驚駭於人視之雨下而壇場
未濕又有雷電霹靂亦不爲驚懼良久見奇形異狀
鬼神繞之亦不畏須臾有鐵甲兵士數千金甲兵士
數千噉噪而下亦不驚怖久之神兵行列如有所候
卽有天女着繡履繡衣大冠佩劍立問玄辨曰既有
呼召有何所求玄辨以術數爲請六甲兵仗一時隱

去自此每日有一丁侍之凡所徵求無不立應以術授殖謂曰術之與道相須而行道非術無以自致術非道無以延長若得術而不得道亦如欲適萬里而足不行也術者雖萬端隱見未除死緣固當棲心妙域注念丹華立功以助其外鍊魄以存其內內外齊一然後可以適道可以長存也峨嵋山中神仙萬餘人自皇人統領道官府分曹屬以度於人吾與彼觀道之纖芥未造其玄微龍蛇之交與汝入洞府朝真師庶可以講張生之旨也師玄辨隱去二十餘歲此

年龍蛇之交常隨師登峨嵋入洞天不久住矣是年

大曆十二年丁巳殂與玄辨隱去不復見

出仙傳拾遺

陽平謫仙不言姓氏初九隴人張守珪仙居山有茶園每歲召採茶人力百餘人男女傭工者雜處園中有一少年自言無親族賃爲摘茶甚勤愿了慧守珪憐之以爲義男又一女子年二十亦云無親族願爲義男之妻孝義端恪守珪甚喜之一旦山水泛溢市井路隔塩酪旣闕守珪甚憂之新婦曰此可買耳取錢出門十數步置錢于樹下以杖叩樹得塩酪而歸

後或有所需但令叩樹取之無不得者其術夫亦能
之因與隣婦十數旂期口市相遇爲買酒一碗與婦
飲之皆大醉而碗中酒不減遠近傳說人皆異之守
珪問其術受于何人少年曰我陽平洞中仙人耳因
有小過謫于人間不久當去守珪曰洞府大小與人
間城闕相類否對曰二十四化各有一大洞或方千
里五百里三百里其中皆有日月飛精謂之伏羲之
根下照洞中與世間無異其中皆有仙王仙官卿相
輔佐如世之職司有得道之人及積功遷神近生之

士皆居其中以爲民庶每舉三元大節諸天各有上
真下遊洞天以觀其所爲善惡人世生死興廢水旱
風雨預關于洞中焉龍神祠廟血食之師皆爲洞府
所統二十四化之外青城峨嵋益登慈母繁陽岷家
皆亦有洞不在十大洞天三十六小洞天之數洞中
仙曹如人間郡縣聚落耳不可一一詳記也旬日之
間忽失其夫婦出仙傳拾遺

馮大亮者彭州導江人也家貧好道亦無所脩習每
道士方術之人過其門而必留連延接唯一生搜訪

磨以自給一旦牛死其妻對泣歎曰衣食所給在此
牛耳牛旣死矣何以資口食乎慈母山道士每過其
家卽憇歇累日是時道士復來夫婦以語之道士曰
皮角在乎曰在卽取皮攣綴如牛形斫木爲脚以繩
繫其口驅之遂起肥健如常曰此牛不復飲食但晝
夜使之可也慎勿解其口爾以此牛拽磨力倍於常
道士亦不復來數年盛暑牛喘甚急牧童憐之因解
其口遽成皮骨而息然其家已漸富改置酒肆常以
奉道祈感遇仙太仍力行救物好賓客有樵叟三五

人詣其家飲酒滯不復錢禮而接之雖數益故忽一人曰我輩人必明日俱來共謀一醉無以人歟爲訝至時樵叟八人偕至客於袖中出樹木一枝纔五六寸栽於庭中便飲酒盡權而去曰勞置美酒無以爲報此樹徑尺則家財百萬此時可貢助天子垂名國史十年後會於岷嶺巨宦當授以飛仙之道言訖而去旬日而樹已凌空高十餘丈大已徑尺其家金玉自至寶貨自積殷富彌甚雖王孫糜竺之家不能及也五年玄宗幸蜀大亮貢錢三十萬貫以資國用

宋和議成顯仁后

徽宗后

將還欲廟挽其輪而曰蹕

之第與吾南歸但得爲太一宮主足矣他無望於九

哥也

高宗第九

后不能卻爲之誓曰吾先歸者不迎若有

警吾目乃升車既至則此間所見大異不久后失明

募醫療者莫能奏効有道士應募中置道芝入宮金

鍼一撥左醫脫然而復明后大喜因書目久盲得師

重朗更賴終始如其所報當不貴道士笑曰后似一目

視足矣以沐巾存誓可也后惕然起拜因書師聖人

也知吾之隱設凡而雷謝之皆不谷方啜茶遽索去
右固詢其報德萬言者謾曰太后不相忘略脩靈泉
縣朱仙觀足矣拂衣卽出時上方視朝也使下入長
樂大驚急跡訪之寂無所得后王剛中帥成都而得
旨東朝圖朱仙像進入儼然當日道士也

張魏公在蜀時有梵僧難陀得如幻三昧入水火貫
金石變化無窮初入蜀與三少尼俱行或大醉狂歌
戾將將斷之及僧至且曰某寄迹桑門別有藥術因
指三尼此妙手歌管戾將反敬之遂留連爲辦酒肉

夜會客與之劇飲僧假巾襦市鉢黛使其三尼及坐
含睇調笑逸態絕世飲將闌僧謂尼曰可爲抑荷踏
其曲也因徐起對舞曳緒回雪迅赴摩跌技又絕倫
也良久曲終而舞不已僧喝曰婦女風邪忽起取戍
將佩刀衆謂酒狂各驚走僧乃拔刀斫之皆踏于地
血及數丈戍將大懼呼左右縛僧僧笑曰無草草徐
舉尼三支筇杖也血乃酒耳又嘗在飲會令人斷其
頭釘耳于柱無血身坐席上酒至瀉入脰瘡中面赤
而歌手復抵節會罷自起提酒安之初無痕也時時

預言人凶衰皆謎語事過方曉戒都有百姓供養數
月僧不欲仕關之僧因是走入壁角有百姓遽牽漸
入唯餘髮髮角頂亦不見來日壁上有畫僧焉其狀
形似日色漸薄積七日空有黑跡至八日跡已滅僧
已在彭州矣後不知所之

酉陽雜俎

僞蜀王時高唐觀道士黃萬戶學六丁法于道士張
君骨持一鐵鞭療疾不以財物介懷然好與鄉人爭
訟州縣不之重也戎州刺史文思略亦有戲術曾剪
紙爲魚投于盆內而活萬戶投符化獺而食之其鐵

輓爲文思輅收之歸至涪州亡其輓而却歸黃矣後
蜀主召入宮列示諸子俾認儲萬戶乃指後主其術
他皆倣此

此唐
預言

黃姑唐貞觀家于萬歲縣古城東五里白馬渡南岸
乃黃道士之女也因洗菜江干見青衣數童子持青
氍毹白馬揖請攬轡者數姑却歸語其嫂嫂異之翌日
姪嫂偕至舊所童馬亦然嫂曰試諸姑方攬轡上馬
卽登天而去俄頃五色雲氣結于東山郡人覩其祥
有知姑白曰升仙因其嫂故名曰姑遂號東山曰神

仙山唐太常卿吉甫渠爲守時始作步虛詞十九篇以刺其嫂唐公次序之茲謂姑自此稅駕于巫山縣卽神女也以上見紹定四年登科仁仲記

開縣志

樵陽子者蜀灌縣青城山樵子也本大足縣人姓雲氏方誕有踞而募於其門者父若母因呼之化緣化緣可二歲父若母死安縣縣民陳和養爲子十餘歲陳父母亦死化緣孱然一孤童耳則托足青城山下童翁家童翁父貧貧所得食則入山斫柴售灌縣人以灌縣人特升米或碗許米市樵子柴盡一挑樵

子不計也一日入山天大雨雪迷失道人山益深雪
盈六七尺許所見惟高厓萬丈古木架陰壑飛鳥都
絕忽一老人鬚眉皓白手執拂子招樵子坐頃之又
一老人貌頗腹便便衣大袖紫衣亦來共坐如是累
月並有所指授其語秘不傳已乃導樵子大樹下指
而曰是中爾前身所托也坐樵子石上設十二拜禮
恭甚號之曰樵陽子以故人皆稱樵陽子云二老人
旣去樵陽子徘徊巖谷間隱隱聞隔厓彈琴聲或人
聲及跡之無有也結跏趺坐樹下凡百數十日敗衣

掄形頽然槁木來藥人遇而怪佛耶僊耶頗以語濯
縣人濯縣人轉相謂群走物色識爲童家兒是兒隔
雪窖一年久矣得不死寒飈死虎狼乃作如是相事
聞濯縣令令景某也駕而至山中臨問狀耳所對班
班應占記非童子口吻也有言吾前身在樹中令便
使人砍樹樹轟若雷震者火發其腹劃然開現委蛻
烏髮垂額覆頰指爪繞身其貌象則焦陽子也令驚
歎而追尋並蛻坐處掘得石匣匣有券券有文字
亦秘不傳有布袖有鐵冠絛樵陽子以自隨有劍劍

柔繞指今失所在其時令下教製龕奉樹中晚築廡
居樵陽子於是樵陽子之名一時而傾動州郡士庶
競來瞻謁樵陽子遽能談人未來事又能已人疾來
者愈益歟樵陽子避而匿安縣之天池士庶則亦走
天池趾相錯其鄉縉紳以迨官長車蓋相望而獨石
泉有令某偕墨吏也問外丹何居樵陽子笑謂令兼
而仁是官人外丹令疑謂鬼恨刺骨而并其將因緣
爲功教令名之妖人上變益澤周用掣令追捕毋讓
亂事下成都張永其逮治樵陽子杜野至則箕踞而

許永天悲罵何物因敢爾庸榜之無者也較囹圄三
月獄成王觀察其特廉其非辜覆永牘身爲白艾中
承是夫童而好脩安所涉人間世而惑衆爲事得解
久之譚中永來檄所司卽伺所築庵建大通觀遣還
山厥後凡開府及鎮藩臬臺者率召見樵陽子樵陽
率一再往不拒也顧其意忽忽不自得會吾常吳叅
知以捧表過家謀挾之江南樵陽子灑然從焉來則
止常之永慶寺亦數過吾錫止龔方伯城南別業稍
一遊武林西湖就而徵未來事若馬已疾者麋集樵

陽子不甚應問露無班卽往往中樵陽子在山專領
黃精出山乃復火食食止蔬素終歲處便若良有絕
異者故未名強而自名曰思道亦出山後事相傳其
大父孔文進士也與閩江趙文肅同榜友書及鳴春
大足人爲樵陽子言如此畱未一歲歸蜀檇曰昔東
老古錐定岷嶓樹中七百餘年旣出求復定去今青城
樹中身托樵陽子是爾也張子陽因折瓊花事推明
陰陽性命之變以爲必得金丹妙是最上乘幾是乎
余不解爲立民言業獲樵陽子其人中夷情穆不界

人我教人只於心地建鎮宗旨雖以通儒者言不膠

嗟乎余不能極樵陽子所詣矣

傳爲孫栢潭先生作

明經趙業貞元中選授巴州清化縣令失志成疾惡
明不飲食四十餘日忽覺室中雷鳴頃有赤氣如鼓
輪轉至床騰上當心而住初覺精神遊散忽如夢中
有朱衣平幘者引之東行出山斷處有水東西流中
有人甚衆立視久之東行一橋飾以金碧過橋比入
一城至曹司中人吏甚衆見姝聳賈奕與色爭煞牛
事疑是冥司遽逃避至一壁間牆如漆黑高數丈聽

有呵喝聲朱衣者遂願入大院吏通曰司命過復見
賈奕因與辯對奕固執之無以自明忽有巨鏡徑丈
虛懸空中仰視之宛見賈奕顰眉趙視之有不忍之
色奕始欲罪朱衣人又引至司人院一人被褐帔紫
霞冠狀如天尊像責曰何故竊撥幘頭二事在滑州
市隱橡子三升因拜之無數朱衣者復引出謂曰能
遊上清乎乃共登一山下臨流水其水懸注騰沫人
隨流而入者千萬不覺身亦隨流良久往大石上有
青白暈道朱衣者變成兩人一導之一促之乃升石

崖上立坦然無塵行數里旁有草如紅藍莖葉密無
刺其花拂拂然飛散空中又有草如苜附地亦飛花
初出如馬勃破大如壘赤黃色過此見火如山橫亘
天候燄絕乃前至大城城上重譙街列果樹仙子爲
伍迭謠鼓樂仙姿絕世凡歷三重門丹腹交煥其地
及壁澄光可鑑上不見天若有絳暈都覆之正殿深
重悉列尊像見道十二人如舊相識趙求爲弟子不
許諸樂中如琴者長四尺九絃近頭尺餘方廣中有
兩道橫以變聲又如一酒榼三絃長三尺腹面上廣

下狹背豐隆頂有

乃引出關前一院中有絳冠

紫霞帔命與一朱衣人坐聽事乃命先過戊申錄錄
如人間詞狀首冠人生辰次言姓名年紀下注生月
日別行橫布六旬甲子所有功過日下具之如無卽
書無事趙自視其錄姓名生辰日月一無差錯也過
錄者數盈億兆朱衣人言每六十年天下人一過錄
以考校善惡增損其筭也朱衣者引出北門至何路
執手別曰遊此是子之菟也可尋此行勿返顧當達
家矣依其言行稍急蹶倒如夢覺死已七日矣趙著

鬼遊上清記敘事甚詳悉

四陽雜記

彭州張道人慕道遊嘉州黎雅間常誦太上感應篇
宋慶元元年寓一茶肆日供齋饌令誦此經道人輒
念一半而輟一日時疾見一是吏呼至官府入門見
饑餓者無數又過一門見一大廳階下旗幟羅列中
坐一人問曰在生誦感應篇何故止誦一半道人
不敢答又曰汝雖有過而亦有功令還人間更受辛苦
吏引出謂曰汝以誦經不全所以至此今到人間可
究全篇遂醒學論宋子正見之道人具言其事

出古志

東川牙將者其子嘗暗忽一日晝地告其父曰某宿
瘴深重被茲業病間大聖院神道欲舍身出家依止
供養異消除罪根耳父計之由是虔潔焚修夙夜無
怠經數載倏尔能言抗音清辨超于群輩後有跛童
子者觀茲奇異發願于大聖院終身首行懺悔求福
未逾期歲忽能起行筋骨自伸步驟無礙事悉具本
院碑殿右東廡有瘖僧跛童子二畫像並存焉
太平廣記
成汭鎮荊州有墊江縣令崔與生簿李矩不協鄰于
水火一旦群盜劫縣殺崔令賊過後矩入宅檢校有

一廳子方避賊見矩以爲賊通明年正月鎮將衆
知矩與崔失歡頗疑之執送忠州推問不伏遂解江
陵禁石廂獄廂吏速于具獄推過常某言于刑官范
某曰李矩詆調須拷究之范固不許常竟鍛鍊以成
之矩臨刑戒家人勿燒紙筆訟于地下總一月常某
暴亡後蔡矩主簿見身范見矩至因某受判官深恩
非敢造次但冀府只要爲證耳及妻子以誠祈之乞
容旬月區分家事雖無痛苦飲食如常但因僮踰月
而卒

此歲少
消言

唐崔公輔明經及第歷官刑州刺史至嘉祐一年忽覺精神恍惚悲患健忘舉家異之一旦無恙卒三日再蘇謂其僚佐曰昨爲冥司攝去有官人着緋執板至屏迎之先拜公輔驚曰某罪人見攝安所得迎拜官人曰使君固忘之矣某華陰錄事巨簡也初官獲伏侍庭廡近奉天紆得鄆都掾地司所奏君任鄆都令日于仙都觀取真人陰君寶經四卷至今未還天符令追生覓勘責使君不知欲面見冥此謬迷以報往恩耳使君頗覺近日忿怒愁悲精神遺忘否此生

執故也于是引至廳中良久言曰使君歸脩一
明至黃籙道場懺悔兼送經歸于本觀生鬼卽釋
矢因赴本司檢使君年祿久近逡巡有吏執案云
公輔自此猶有三任刺史二十三年壽言訖官人
吏送公輔還乃于成都紫極宮忠州仙都山三處
脩黃籙道場送經還本觀公輔平復如常歷官年壽
皆如所說

勸善

卽至廣臨江上里人掌脩行誼濟人利物道傍豎一
小亭冬具粥夏具茶以周往來遇晚延宿供膳窘者

助以資糧遠近皆號爲包居士忽于永樂三年有榮
昌縣父子三人執錢至家揖而進曰吾乃償債人也
去夏因病篤恍惚若拘攝者執批謂吾曰官拘汝押
入一大城內四面俱鐵壁至廳有一綠衣判官命牛
頭探吾至案下曰汝不應死只爲汝欠開縣馬嘶橋
包至庸債五千貫文今放汝回還復引至一大殿下
仍命判官厲聲唱名如前發放今押出城將吾推入
河中卽醒病遂愈至今秋復見催迫特來還債至廣
曰吾家無錢借貸且公言甚謬固辭彼強授廣不

得已納之仍以其錢設齋周急不以一毫自利時縣

尹徐成事欲曰其事志廣總止年九十七無疾

而卒

唐漢州孔目官陳昭元和二年五月忽然暴亡見兩

黃衣云王追汝隨行約二十里見一城引入見王曰

元年從州刺史竇遜遵承使帖殺牛事今劉闢拒諱

須與竇遜對須更有典吏綠衣云姓趙引昭去又行

十里許有一院宇趙隔牆喚云竇使君陳昭已到遜

呼云劉闢反時有帖令殺牛四十七頭造乾脯梓州

供軍此帖何在昭云當時有一文字用麻面紙寫見

在當州孔目院趙鼎處遂發使者同昭往取行到州
衙門已鎖閉使者詰昭云但隨我來所至門皆自開
入一小房內竹架上檢得將出復回舊所示寶遂及
劉闢見是親書方且承伏寶再三致謝趙語昭曰此
事已對定了然殺牛之時公自取一頭昭未服間趙
云此處與陽間不同分毫不差豈可諱聲須臾便見
追到送牛頭入并籠同至昭始且伏趙曰據條決一
百鬻割五十又云公在生世有何功德昭云惟持金
剛經一卷言訖見一小綉袱裹一卷經從外飛入趙

云此是公所持經特來相救。昭瞻禮本敬不勝喜。懼
趙云既有此善是可免罪。乃引至止。諡薄主者處路
經一院。但聞楚毒之聲。趙云劉闢家受報。既到祿
簿所主者爲檢。良久云成。府華。歸有姓本名劉
金邊作乃貞元十五年改作昭從。趙君今年五十
二更有十二年壽。趙曰此人持經甚有功德。當與添
年生祿。主者再爲檢簿云。既有此福。可至八十四。昭
拜謝而退。與趙泣別云。感君恩德。何以力報。趙執手
云。君歸人間。須修善業。持經之際。與少強。嚴。或。因本

命燒錢須分明標列送上併及生祿主者言訖上高便作而寤時已四日自後休職持經終老

勸善書

宋蜀人馮子春爲賓州守其婿從之官嘗須公使銀盆老兵持以入婿匿之而稱失去且語馮云未嘗用馮以爲兵所竊宜詣獄兵甚老不能堪訊鞫遂自誣伏索其物則云久已轉鬻矣旣論罪決杖且責償元值兵不勝冤憤具狀訴于東獄行官泣拜而焚之仍錄一紙繫腰間乃自經于廂門之外馮受代復郊果州忽見此兵正晝在側愕然曰汝死已一年如何到

此對曰銀盆事某陳訴于獄帝令來追知府女婿劉
理馬驚懼之次俄失所在其婿卽若中惡當日死馮
後七日亦卒

同上勸善書

僞蜀金堂縣三學山開照寺夜被群盜劫掠其貲財
罄盡寺原有釋迦藕絲袈裟爲千載之異物也賊曹
全取與其妻拆而易之夫婦當時手指節節墮落髮
鬚俱墜尋事敗戮于市

同上

唐成都府建昌寺僧牟師開成二年八月暴卒忽見
四人來迎至一河側歟有大樹使者曰此非人間也

還記在生事業否牟曰幼年曾念金剛經使者曰此經宜司甚重請誦之四人合掌靜聽至四果章四人止之忽然不見須臾又一人來問曰何者何人到此牟具說之曰此四人已生天師可速歸也迴身見一大蛇作人語索命牟曰不省害汝時蛇曰在雅州時牟因思十三歲時斫柴次誤傷同伴殺之非我也蛇曰因你傷我遂走不得致被人殺須還我命牟許轉金剛經一千遍蛇卽低頭而去傍有送者抱牟拋本身上遂活時淨衆寺僧仲說來看具說其事因託轉

經一日未畢其夜又夢直隸國冤家不去須更得衆
僧誦半日方足次夕夢覺謝國感經功德已得生人
類矣言訖而寤

同上

唐太和五年梓州人倪勤以武略稱因典涪州興教
倉素持金剛經倉有廳事面江甚爲勝槩乃設佛像
而讀經其中六月九日江水大漲惟不至此廳下益
讀益勵洎水退周視數里室屋盡蕩惟此廳略不索
潰倉亦無傷人皆禮敬

報應錄

蜀將尹偃有卒後期偃將責之卒被酒自理聲同偃

怒杖幾至死卒弟性友愛不平乃以刀刻膚爲殺尹
兩字以墨涅之偃知其事杖殺之及南詔人寇偃領
衆保邛崃關恃勇恣衆出關逐之忽見死者擁黃案
前導心惡之問左右咸無所見還遇伏中數十鎗而
死由是觀之暴者亦當知所戒也

新繁縣李氏養蚕甚多值桑貴以其家所栽之桑貨
於人得利倍於養蚕乃聚蚕瘞之傷生過必旣而有
客造饅頭食之壁間四母饅頭內有蚕一包未幾疫病
傳淞死者殆絕

唐黔南廉使秦匡謀以繼寇大舉兵力不敵奔江陵
節度杜_棕旣謁見怒其不趨庭退而使吏讓之曰汝
鳳翔一民也棕兩爲鳳翔節度汝今靡認桑梓也匡
謀報曰謀雖家世岐下少離中土太傅梳節已忝分
符實不曾趨走台堦此日况在荆南乎棕怒遣執之
發函與韋相云匡謀擅棄城池不能死王事請誅之
韋奏請依棕處置敕旣降棕乃親臨都市監戮之匡
謀將就法謂其子曰今日之死實冤枉無狀奈申訴
非及但多焚紙墨于泉下理之耳行刑觀者駕肩接

踵揮刃之際，棕大驚，驟得疾，遂輿而返。俄有旋風大
作，飛卷塵埃，直入府署，乃散。是夕，獄吏發狂，自撲而
殞。旬日，棕卒議者以棕恃權貴，枉刑戮，獲茲報焉。

楚新

唐楊炎爲侍郎，劉晏爲尚書，盛氣不相下。及炎執政，
奏貶晏忠州刺史。炎又素知庾準，與晏素憾，擢荆南
節度使。準希炎旨，搆殺之。天下以爲冤。未幾，盧杞
爲相，譖炎貶崖州。遣中使縊殺之于道。此即螳螂黃
雀之喻也。警心百勿

宋蜀人張孝純有孫五歲不能行或告之曰頃准旬
間一農夫病腿足甚久但日持觀世音名號不輟遂
感觀音示現因畱四句偈曰大智發于心于心無所
尋成就一切義無古亦無今農夫誦偈滿百日故病
頃愈于是孝純遂教其孫及乳母齋潔持誦不兩日
孫步武如常兒患腿足者誦之特驗又汀州白衣定
光行化偈亦云大智云凡人來問者輒書與之所
求無不立驗同上

鬼上高駢書

鬼名趙忞 殿指揮使姜知古

時高駢發古塚取輓輦成都羅城鬼現形獻

書

趙氏之冤搏膺入夢良夫之枉披髮叫天有怨必讐
無道則見流於往史載在前文忞一介遊魂九泉罔
象德不勝饗禱不勝人無廟貌於世界遂洒沉於泉
壤自蒙天譴使掌冥司伏審渤海高公今君毀忞墳
闕忞謫居冥府天賜佳城平生無戰伐之仇邂逅起
誅夷之孽得不拊銘旌而憤志托酈翰以申懷伏希

瑞公俯念無依迴鑒有鑒特於萬雄免此一坏倘全
馬鬣之封敢忘龍頤之庇

續補全蜀藝文志卷之六十二

志餘逸編

蜀事多奇及古今詩文有散見于稗篇野錄耳目所不及者聞見稍後因可備解頤垂法戒則亟收之不復類次博雅君子或亦有取焉

鴻安丘成都人與嚴君平友善作君平誄云無營無歆澹然淵清又林間翁孺者臨邛人亦君平

同時友

元稹爲御史鞠獄梓潼時白尚書在京與名重遊慈恩小酌花下爲詩寄元曰花時同醉破新愁醉折花

校作酒籌忽憶故人天際去計程今日到涼州時元
果及褒城亦寄夢遶詩曰夢君兄弟曲江頭也向慈
恩院裡遶驛吏催人排馬去忽驚身在古梁州千里
神交合若符契

本事詩

何隨目不視色口不語利著譚言一篇論道德仁讓
嘗有屠牽豬過隨門豬索斷失之強認溷中隨便牽
與之家後竹園人盜其筍隨行遇見之恐盜者覺肺
走竹中傷其手足挈履返而歸

華陽志

揚子雲漢法言蜀富人貨錢十萬在載一名子雲不

聽以富人無義正如園中之鹿欄中之牛安得安載
光武召諸郡計吏問其風土及前後守令能否蜀郡
計掾樊顯進曰涪陽太守張堪昔在蜀漢仁以惠下
威能計效公孫述破時珍寶山積捲握之物足富十
世而堪去職之日乘折轅車布被囊而已

諸葛亮出祁山隴西南安二郡應時降圖天水拔漢
城擄姜維驅士女數千人還人皆賀亮亮愍然有感
容謝曰晉天之下莫非漢民國家威力未舉使百姓
困于虎狼一夫有死皆亮之罪以此相賀能不爲愧

郭忠
四事

魏軍至費禕率衆往禦之光祿大夫米敏與禕別求
共圍碁於時羽檄交馳人馬擐甲嚴駕已訖禕與敏
對戲色無厭倦敏曰向聊觀試君耳君信可人必能
辦賊禕行賊遂退

蜀志

蔣琬爲尚書令時新喪元帥遠近危悚琬出類拔萃
處群僚之右旣無戚容又無喜色神宇舉止有如平
日由是衆望漸服

閭憲爲綿竹令以禮讓化人縣民杜成後行得遺賄

一襲有綿二十疋求其主還之曰縣有明君何敢負也

華陽國志

張霸爲會稽太守舉賢士勸教講授一郡慕化但聞誦讀聲坐無遺寇時人語曰城上烏鳴哺父母府中諸吏皆孝友

益部耆舊傳

蜀人王長文天資聰警高暢敏識治五經博綜群籍著無名子十二篇依則論語又著通經四篇亦有卦名擬易玄以爲春秋三傳經不同乃據經撫傳著春秋三傳十二篇又撰禮記除煩舉要凡十篇皆行于

時長文聞益州亂以通經筮得老蠶緣枯桑之卦歎
曰桑無葉蠶已卒也吾蜀人殄于是矣拜蜀郡太守

暴疾卒

焦氏類林

魏帝殿前大鍾不扣自鳴人皆異之以問茂先茂先
曰此蜀郡銅山崩故鍾鳴應之耳尋蜀都上其事如

茂先言

焦氏類林

熙寧初吳仲度知成都一日文明廳前大槐枝葉皆
出煙色青白如焚香至暮方止木如故歷訪儒士莫
知其說惟楊損之云陰符經謂天生於木禍發必克

疑有將士作亂而不成者月餘果有告成卒謀亂

省獲

楊彥齡
筆錄

文潞公知益州喜趨宴嘗宴鈴轄舍夜久不能從卒
輒折馬廐爲薪不可禁軍校白之坐客股栗公曰天
實寒可拚與之飲宴自若卒氣沮無以爲變

焦氏類
林

陳子昂初入京不爲人所知有賣胡琴者價百萬豪
貴傳視無辨者子昂突出顧左右曰輦下絳市之衆
驚問荅曰余善此樂者曰可得聞乎曰明日可集宜
陽里如期偕往則酒肴畢具置胡琴於前食畢捧琴

語曰蜀人陳子昂有文百軸馳走京轍碌碌塵土不
爲人知此樂賤工之後豈宜留心舉而碎之以其文
軸徧贈會者一日之內聲華溢都

益州刺史董榮圖書譙周像於州學命從事李通頌
之曰抑抑譙侯好古述儒寶道懷真鑑世盈虛雅明
美迹終始是書我后欽賢無言不譽攀諸前哲丹青
是圖嗟爾米葉鑒茲顯模

益部耆舊傳

歐陽彬爲嘉州刺史喜回青山綠水中爲二千石作
詩飲酒爲風月主人豈不佳哉

精机

楚王遣使聘陸通妻從市米曰先生少而爲義豈老
而通之哉門外車跡何深也杜是夫負釜餽妻戴經
盟將諸名山食桂櫺實黃善子隱蜀峨眉山

高士傳

君平卜筮于成都市人有邪惡非正之問則依蓍龜
爲言利害與人子言則依於孝與人弟言則依于順
與人臣言依於忠各因勢道之以爭裁日閱數人得
百錢足自養則閉肆下簾而受老子博覽亡不通依
老子嚴周之言者書十餘萬言楊雄少時從遊學已
而仕京師顯名數爲朝廷在位賢者稱君平德杜陵

李疆素善雄父之爲益牧害謂雄曰吾真得嚴君平
矣雄曰君備禮以待之彼人可見而不可得詘也疆
心以爲不然及至蜀致禮相見卒不敢言以爲從事
乃嘆曰楊子雲誠知人

王貢龔鮑傳序

廣漢陽翁偉能聽鳥獸之音乘蹇馬之野田間有放
馬者相去數里鳴聲相聞翁偉謂其御曰彼放馬曰
眇其御曰何以知之曰罵此轅中蹇馬蹇馬亦罵之
曰眇馬御者不信往視之馬曰果眇

論衡

楊宣爲河內太守行縣有群鵲鳴桑樹上宣曰前有

覆車粟此鵲相隨欲往食行數里果有覆車粟

益部耆舊

傳

蜀張南本與孫位並學畫水皆得其法南本以爲同
能不如獨勝去而畫火獨得其妙嘗畫辟支佛于火
中結跏趺煙飛雷掣烈烈有焚林燎原之勢而佛以
定慧力安然不動李廌爲偈曰大士坐禪心若水月
火周其身熾焰炎烈靜觀無殆火本不熱與火相忘
何生何滅

圖品

張華處鎮蜀雅聞孫知微歎一見之終不可致一日

間在僧舍飲亟損車騎詣之卽拔閣遁去垂帷還朝
出劍閣逢一村童持知微書負一篋迎道左曰公所
善者圖也今以二圖爲獻問知微所在曰適一山人
以書授我信去已遠矣張公益歎其高後馬知節守
成都與知微遊處得其圖甚多馬解肝服金帶贈之
卽繫乎袍上人見其標額蕭散白衣金帶皆以爲是
孫思邈李太白也

圖品

劉琰在蜀車服飲食彌爲侈靡待妾數十能爲聲樂
教詠調魯靈光殿賦

蜀臨邛縣有火井漢室之盛則赫熾桓靈之際火勢
漸微孔明一窺而更盛至景曜元年人以燭投而熾
其年併於魏興苑

元和之初薛濤好制小詩惜其幅大不款長牋乃狹
小之蜀中才子既以爲便後減諸牋亦如是特名曰
薛濤牋資暇錄

元微之聞薛濤名因奉使見焉微之矜持筆研濤走
筆作四友贊其各曰磨閨色先生之腹濡藏鋒都尉
之頭引書媒而黯黯入文圃以休休微之驚服

蜀人景煥博雅士也志尚靜隱卜築玉壘山下茅堂
花榭足以自娛嘗得墨材甚精止造五十團曰以此
終身墨印文曰香壁陰篆曰副墨子類林

雍孝聞蜀人崇寧間廷對力詆時政闕失尋授右列
卒不仕浪迹山林遇異人得道政和末變姓名爲道
士入內說法徽宗謂其得林靈素之半因賜姓木更
名廣莫竟不知其爲孝聞也孝聞嘗自詠云百萬人
中隱一身深如勺水在落溟獨醒自負賢人酒天濶
難尋處土星照影自憐湖水碧高吟贏得蜀山青城

南老樹如相問不枉翻空過洞庭

梁谿謏志

莫尚書少虛因官西蜀謁南堂靜師容決心要堂使
其何好處提撕通如廁俄聞穢氣以手掩鼻遂有省
卽呈以偈曰從來姿韻愛風流幾嘆時人向外求萬
別千差無覓處得來原在鼻尖頭南堂答曰一法纔
通法法周縱橫妙用更何求

青蛇出匣魔軍伏碧眼胡僧笑點頭

蕓江人馮大董見樵叟八人各出杉木一枝長十五
六寸曰可栽庭中樹徑尺則家財百萬旬日而樹凌
空金玉日充盈其人後隱于此

內江化龍山治西郭外宋朱真人修煉之所有淩風
臺冷然洞長樂洞馮虛御空清江白石極目可愛洞
口花開臺畔鶴舞一鐙相對淩風冷然長樂在我何
必更訪仙踪里中勝槩沈侯文室評爲第一

內江志

唐乾符三年宗室隴西公李淑爲綿州刺史仁藥疲
病患膏瘡瘕訓飭姦竄擢其良莅任明年政成俗
泰甘露降于庭樹靈芝產于樂郊諱見子雲

真像記

天寶間玄宗幸蜀姜皎以藩邸舊臣扈駕至綿州書
角鷹於督郵亭壁甚精妙刺史携于石豎州堂後當

時鷹隼不敢入城後守文模之換前碑將載歸至城南舟壞沒于渾乃嘆曰無功矣後人遂名其灘曰無功

元和四年魏城縣南有洞曰高涼橫石如隕匪鑿匪鑿傍架絕壁根山不落上摩凌霄屹然岩岩其間可俯而入焉則崆峒博敞如室中有崔司業石刻縣令沈超政暇拔得之屬侍御史李汭記其事自跋云崔司業融當中華宗嗣聖間寔天后久視元年莅邑也刻靈泉記於此石室迨今已百年矣人莫得見沈

超以公務之餘覽盧公照璘放生池碑於西墅有好
事者大梁文繼曰昔崔文公有記存于石堂觀焉遂
不俟車馬蹶然而至薙離披之蔓艸鏟狎獵之封苔
鳥跡依然匪磨匪磷嗟乎以公之德而發跡于斯以
公之文而湮晦於此百年已降後進君子曾不稱之
者與超竊承下風所訪高躅寓目增慨臨文未懷不
興之詞輒勒其年月云耳

羅江縣馬池寺相傳有神僧居之每日誦金剛經
後順寂茶毗獨心香不燼其徒作塔以藏歲時參禮

甚衆人或以手入塔模驗宛然溫軟及出視之則堅
硬石矣其狀酷似今猶存

金紫橋木龍綿州治南二十五里永樂間有大木橫
溪口宛如龍狀鱗甲如錢半卧沙磧半在水中人於
旁浴每每於水中得錢距今百五十年嘉靖元年夏
有龍自溪出遂衝去不知所在

本朝正統七年寧遠黃誠以刑部侍郎何文淵薦自
溫州幕知綿州事一新百廢政聲甚著當造冊增鄉
派民多歆以所佃田起科附籍又有借糧營爲里長

者黃謂之曰綿州土狹民貧必爲後日之患乃令以
所懇田止過東渡洛水二鄉舊糧鄉田雖增賦稅不
加民至今賴之

綿州有院曰水陸瀕溪有石龜鑿制莫稽每夕北斗見
時視之止在其首雖斗柄轉移星影常然亦一奇也

綿州東城北五里爲芙蓉上遊其水通於靈山麓有
獸潛其中狀如驢不時出遊上下無常或沫水中或
卧沙渚每出必旱必澇見者亦不吉

蝦蟆灘石蟆治北七里舊有石如墓狀踞灘口張口

何南相傳城中有昔無蛟螭蓋此石所致弘治間知
州汪洪改脩朱容堰于此鑿碎其後遂不驗矣

鯉魚橋仙跡治北八里卽涪江匯入芙蓉溪上游沿
岸多民田每夏秋潦水逆流魚隨水上多食禾稼民
甚病之後遇一異人於橋底鑿一父一網其魚遂集
灘下不敢上漁人每于此時捕之得利數倍今橋圯
魚復爲害

龍會觀蓋板治東六十里有觀曰龍會弘治間居人
廖天恕焚獻其作以殿瓦疎漏將爲天花板數十覆

其上回工已施膠粉有事去數月不至板集殿中每
靜夜聞有聲疑爲鼠耗所啣後工至啓視之則已吞
矣筆跡天成莫測起落處至今宛然如新

弘治甲子綿州副使白翱自知處州丁內艱歸新置
居第始築廳基寘巨甕蓄金魚在側值雷雨交作甕
齧有虹垂飲甕中居室炫耀照映比隣見者驚愕爭
趨視之良久起去甕水已涸適察政郭祥鵬按治聞
視嘆賞因名其廳曰垂虹

綿州余貴有知黃州休致歸時弘治十年也承兵荒

之後風晨雨夕每聞近郊悲號聲乃僱工十人每二人舁大筐日收沿河山谷無主遺骸及城壕溝澮園墓露者無慮數百輩葬所買義塚每遇寒食中下元於河濱厲祭歲以爲常又郡人老而孤獨及貧而不能婚嫁喪葬者皆資助有差十三年以來連歲旱潦蛟龍時出三川衝崩兩岍田地甚衆百姓至愚徒知守崩土悲慟不知呈告有司卒不蒙檢踏蠲免之惠田去糧存日就罷散深可憫也

以上俱綿州雜錄

唐文宗龍化元年嘉州刺史其叛降於王建建封假

子宗壽爲嘉王永平四年荆南高季昌侵蜀巫山道
嘉王宗壽敗之瞿唐王衍立貪侈淫奢大起宮殿與
諸卿客宦官日夜飲于其間宗壽以社稷爲言言
發泚滂韓韶等時衍有親幸者曰嘉王酒悲耳諸卿客共以
謾言譏嘲之坐上諠然衍不能省也卒以亡國俱見五代史

五代蜀主昶鑄鐵錢征諸路趙稅龍游令田淳上疏
言擾民犯天意聚財損君道語甚切直蜀主昶不能

用續綱目

正德辛巳有夫婦以弄猴爲衣食者十年矣寓于嘉
州之白塔山王者必塋于塔之左猴日恒號其婦更
招一丐者爲夫猴舉手擁揄之婦弄猴使作伎猴伏
地不爲鞭之輒奮呌入夜走王者之墓跑土悲號七
日而必嗟夫若猴者獸邪人耶人殆不如也丐婦夫
歿即嫁而猴至以必報王者丐婦何足責特著其事
爲世規耳抑予于是益信往籍所載義鶴義駿之類
不虛哉

辛卯歲有士人徐潤爲余言自蘇稽歸見有鷹巢其

上哺數雛初成鷹不在有巨蛇似拱把可交餘乃入
巢噉其雛鷹至則蛇據其巢以首上啣鷹鷹幾墜繞
樹爭敵無能爲遂悲鳴去忽至夕鷹以百十群來亦
無能用技搏蛇值一大鷹殿其群徐徐至大如車輪
衆鷹戲搏于前蛇適起延頸矗立大鷹從其腹以爪
裂之如鷗舉雷掣不見經營破之如耳揚然意甚閑
適亦巧于神用矣噫物能自愛其類相救相恤如此
顧非義哉落阱下石寧不動昌黎之嘆

後漢永平中益州刺史朱輔跡自狼王唐雎等慕

化作詩三章遠夷之語辭意難正草木異種馬獸列
類有犍爲郡掾田恭與之習狎頗曉其言臣輒令記
其風俗譯其辭語今遣從事史李陵與恭護送詣闕
并上其樂詩昔在聖帝舞四夷之樂今之所作庶備
其一上嘉之事下史官錄其歌焉遠夷樂德歌曰大
漢是治與天合意吏譯平端不從我至聞風向化覓
奇異多賜綰布具美酒食昌樂肉飛屈申悉備蠻夷
貧薄無所報嗣願主長壽子孫昌熾遠夷慕德歌曰
蠻夷所處日入之部慕義向化歸日出主聖主德深恩

與人富厚冬多霜雪夏多和雨寒溫時適部人多有
滋危歷險不遠萬里去倍歸德如歸慈母遠夷懷德
歌曰荒服之外土地境埆食肉衣皮不見楛穀吏譯
傳風大漢安樂攜負歸仁觸冒險隘高山岐峻緣崖
礚石木薄幾家百俗到洛父子同賜懷抱匹帛傳告
種人長願臣僕

臨叶益

開元觀在層崗之上下眺城俯視江山二水迴潏衆
峰環抱爲郡中之勝舊有高閣臨崖崇樓切漢制度
麗巧遠近稱之久而催壞官收其材用之餘者爲馬

鹿有門扉制古而堅不特盡遺老木機之旁旣而有
光淵然可鑒以其爲惟棄而不用遷于紫極宮玄元
殿內有小赤蛇蟠綴門楣之上累日不去決旬之外
不知所之

嘉定東十餘里有寒觀在群山中石壁四擁殿有石
函長三丈其上鑿爲獸花草文理纖妙隣于鬼王織
鑲極固泯然無隙相傳爲尹喜真人昇天時約曰函
中有符錄慎不可開大曆中清河崔公爲守欲開之
道士曰真人遺教啓函者必有禍崔以巨索繫函鼻

拽以數牛半日石函乃開有符錄十軸耳崔曰何者
謂有奇寶今符錄而已令緘鎖如故崔是夕暴卒旣
而甦言曰有冥吏攝吾至一官署宦官卽故相呂公
誣也謂吾開真人石函于法當削壽祿卽泣告呂公
曰故人何以爲救呂曰法不可逃吾爲足下致二年
假職優其祿廩耳崔卽拜謝甦而問其家死已三日
矣本郡白于使具以事告節制崔寧署攝副使月給
俸錢二十萬二年而卒

嘉州烏尤山釋氏相傳爲觀音大士至此見兩河沙

听鬼魅啾啾乃化爲鬼王名面然云大士七十二化
至此自視其像大艱魁陋遂再不化今天下作齋醮
儀咸曰烏左再定面然鬼王昨有僧欲請肖像不得
其真密禱之忽一僧佯走陌畔持其古像來亦是徵
其靈異矣

凌雲寺元時爲戲場多鬼祟至正間僧千峰曾爲
獄卒今送囚徒會訊千峰曰世亂刑繁多不當罪吾
憐汝釋之我亦從此逝矣遂削髮爲僧結廬九峰山
時挾一銅鐘以辟祟謂之闔明鐘倏有一人走告

郡守曰有僧鳴鐘家裏甚不安可爲禁之守像其人
不凡乃諾而陰覘之至碧津渡即入水去守曰此龍
王下有龍宮焉因語僧僧旣止後數日又鳴之一夕
大風雨掣鐘去至今不敢鳴洪鐘

嘉靖辛丑歲嘉定有儒生呂和者畜一狗爲隣竊後
知之訟于官盜者畏罪人言須以牛償狗乃可釋盜
曰牛賴以耕去此則一家無望矣遂至夜鏐閉門戶
拽牛至寢室并其母妻烈火焚之以身躍入人物房
舍俱燼然儒生實不知也後有商閭四者以債訟挾

儒生于官不察黜此生捶殺數人故久以戚蹟耳遂
置之重辟衆咸密之儒生旣歿商得志生子女各一
子甚敏慧善讀書後入試見究者持之遂昏迷扶出
吐血歿女亦歿問夫婦亦相繼歿永訣時口數數道
前事商亦絕家亦蕩不異于究者豈非天道哉嗚呼
匹婦含冤三年不雨于公平恕駟馬高門報谷影響
必不相違司政者尚留意哉

威遠有儒生能叩箕箕來時操觚運思命意迅發作
爲詩歌書字亦奇嘗與某公詩曰明園君子玩金華

詩担挑雲對晚霞風送白衣能釀興東門猶結蕭霜
瓜又其公爲母夫人卜宅兆乃貽以慶源堂讚曰壽
之母懿不可輕議發而爲慶俾昌俾熾源謂伊何取其
泥長斯堂之作悠久無疆初散鶴字帖令人合之成
文噫斯神耶鬼耶仙耶

以上俱嘉定州志

嘉定州有黃魯直鐵羅漢頌小序云峨眉出之下墓
順津之淵有貝螺銅鑄成二柿魔開土人物表儀隨
世凡度其中空洞不留一物叩之鏗然應大應小香
塗刀割受供不二洗之水則著底拔之公則熾然水

火事息二老相視而笑涪翁曰吳兒鐵人石心吾
信也二老者直鐵石耳乃爲之頌曰人言怖魔像非
金亦非鐵若作世金鐵關主亦不現禪坐應念性一
缺千家供順佛遺教故不宜示神通有爲中無爲火
張開蓮花無爲中有爲耳露破諸熱魔子自怖畏我
無怖畏想茲歆坯銘之爲已富貴裕賴世主慈觀虎
兒失爪角茲得楚狐書有字不可讀狐涎着其心字
義皆炯然却來觀六經全是顛倒想今世青雲士慎

莫作此解

同前

內江小龍溪山勢盤曲溪流潔紆初有巨蛇似龍與
老僧同脩寺中一日入溪潭居數歲里人因歲旱取
泉潛龍湧水騰波而去溪石大裂今其洞穿兩山陰
谷中故溪名小龍

內江志

邛縣張俞嘗遊蓬萊廟留詩云玉帶樓前鎖碧霞經
年培養牡丹芽不妨野鹿踰牆入啣出宮中第一花
又金玉霞臺種碧空笙歌迭響入天風當時國色并
春色盡在君王顧盼中在夢童子謂曰吾蓬萊第一
宮太真也遂引俞至一洞口見衆僊排列以待云感

子詩妙謝增壽一紀

邠人得巨蛇于南郭渠長八九尺許剝剔臟腹盤曲
置火上焙之越數日數歲子忽皮膚腫裂痛楚萬狀
蛇謂之曰汝無狀剔我而焚之今汝見亦知此苦否
其人驚乃取蛇投去竹剝以水洗沃焚香祈謝送之
故處久之蛇復蜿蜒而去見亦平愈見古今集記

潼川周野雲以素遇知當路淳祐年間甫二十謁余
制置玠于蜀嘗留某寺因縱步林間聞叢密中戲
笑聲仰之則五六童子席地而奕野雲揖之童子但

顧之而已野雲意貴宦子弟心稍不平但素好奕遂
蹲而觀之須臾一童子携尊俎至野雲渴意可及已
因問諸郎君何處童子不^舉太^尊酬酢談笑自如若傍
無人者坐雲怒起一童子目之曰我輩此樂不減橘
中之老君謂何如捧盞目一童子酌酒令飲野雲搥
首一童子捧俎令取菓野雲亦不顧而去一童子曰
彼安能忘情楚上金絲也又一童子曰此人心事亦
好但易怒耳一童子曰三十年後須當憶我野雲歸
以語僧旌之偕往舊處見菓核狼籍而已僧曰是仙

里也野雲大恨無緣旣而某太守妻之以妾名垂楊
始悟堤上金絲之說後追憶仙童方意玄門遊青城
山或傳亦得道云

五湖紀聞

僞蜀詞人文谷請劉光祚劉方約二道人看桃核杯
二士至取杯出視之濶尺餘紋采粲然真蟠桃核也
劉曰予少年遊華岳逢一道士贈者寶之有年矣座
上二道士一出白石圓子上有文采如二童子引仙
人眉髮悉備云爲麻姑洞王得之一出石濶一寸長
二寸五分上隱蟠龍棲鳳形彩俱全云爲巫峽中得

之文谷善曰何率一日盡睹三奇物

尊生入笈

梁山縣蟠龍山孤峙秀傑突出衆山之上下有二洞
洞中有二石如龍狀首尾相蟠故名洞門軒豁如堂
倒垂一石長丈餘石髓常不絕滴後漢張卞修煉于
此唐封廣澤侯洞中之泉下注垂帷約二百餘丈噴
薄如霧張盡留題云水味甘腴偏宜煮茗范石湖以
爲天下瀑布第一

梁山縣志

宋何光遠作廣政錄記孟氏有蜀時翰林學士徐光
溥與侍郎劉義叟分直忽觀庭中笋迸出徐因題之

劉詩多譏誚徐託主本且蜀人詩成三學士從此不
睦徐詩曰迺出班墀數十株更添幽景向蓬虛出果
似有凌雲勢用作升梯得也無劉詩曰徐徐出土非
人種枝葉難接日月壺中是姻緣生此地從他長養
譬如無

事文類聚

李青霞眉州人李氏子襁褓失明歲荒父母不能存
棄之江流至青衣漁人夫婦無子者得之曰盲兒也
姑養之十餘歲爲人傭磨有瞽史挾琵琶說往事者
携之去教以所習雅書其藝至綿州多游士大夫之

門一日在高翰林舍適有道士與高公論丹法卒忽躍然擊碎琵琶而來爲徒道上吐而許之遊諸名山將十載不知所授受還編稱曰青霞道人高公叩之已有所悟矣然往往以術掩其妙出入于真僞之間令人疑信不定杯酒戲丸垢膩授益益得炙鮮治灸充坐饌又善爲鶴舞躍起二三尺墜地無聲又道人隱裏沙未來諸謔巧發音中嘉靖己亥還弟妹在傭伍訪而嫁娶之數載復歸綿卒于豆圍山塋訖世廟忽有旨求李青霞所司踪跡無影指墓以復又數年

州別駕尹姓者江西北方雖往齋宿城隍祠問焚獻
道士曰爾名曾天賦乎道士憮然曰小道名何容上
達曰吾來時有李青霞道人居吾郡士大夫皆尊敬
之行時謂余必遊眉州此吾鄉也城隍祠道士曾天
成曾侍我爲徒今尚在爲我寄声天成駭然曰李師
葬綿吾等俱往視其墓何由復居貴鄉州人始知青
霞不然而肅皇帝以神會綿墓其尸解處也張玄羽記
綿州魏子敬晚好談玄遇異人指授遂究極閭奧因
贈之以詩序謂蒼髯野褐子甚古益指異人言也今

其石刻尚存昔人在無爲山下掘地得之尾註淳熙
魏子敬字畫適勁真子敬筆也蜀通志載爲魏公張
浚詩州志載爲魏子敬題鹿堂治詩疑子字無所指
又妄改子爲子立志胥失之矣

續竹志

孟蜀武德軍節度判官歐陽炯撰花間集序云鏤玉
雕瓊擬化工而迴巧戲花剪葉奪春艷以爭鮮是以
唱雲謠則金母詞清抱霞醴則穆正心醉名情白雪
聲聲而有合鸞歌響遏清雲字字而偏諸鳳律楊柳
大堤之句樂府相傳美矣各通清麗之篇豪家自邇莫不

爭高門下三千玳瑁之簪競富鐫前數十珊瑚之樹
則有綺筵公子繡幌佳人迺葉葉之花牋文拙麗錦
舉纖纖之玉指拍按香檀不無清絕之辭用助嬌饒
之態自南朝之宮體扇北里之倡風何止言之不文
所謂秀而不實有唐已降率土之濱家家之香奩春
風寧尋越艷處處之紅樓夜月自鎖常娥在明皇朝
則有李太白應制清平樂詞四首近代溫飛卿復有
金荃集邇來作者無愧前人今衛尉少卿字弘基以
拾翠洲邊自得羽毛之異纖綃泉底獨殊機杼之功

廣會衆實時延佳論因集近來詩客曲子詞五百首
分爲十卷以爛粗預知音辱請命題仍爲序引昔鄧
人有歌陽春者號爲絕唱乃命之爲花間集庶以陽
春之甲將使西園英哲用資矜蓋之歡南國嬋娟休
唱蓮舟之引時大蜀廣政三年夏四月日序
司馬相如有封禪詩四篇其一曰伯我天覆雲之油
油甘露時雨厥壤可游滋液滲漉何生不育嘉穀六
穗我穡何蓄非惟雨之及潤澤之非惟徧之哉泥布
護之萬物熙熙懷而慕之名山顯位聖君之來君乎

偽蜀王宗信鎮鳳州有角觝人蘇鐸者委之巡邏嘗
與宗信左右孫延膺不協宗信因暇日登樓望見蘇
鐸錦袍束帶似遠行人之狀宗信訝之鐸本岐人也
延膺因謂曰蘇鐸雖受公蓄養其如包藏禍心久欲
逃去宗信大怒立命擒至先斷舌齧然後斬之及延
膺作逆其殺法之狀一如鐸焉

勸善書

蜀拔山軍帥李夢旗經敵擒歸岐陽老母悲泣因瞽
雙目夢旗在岐陽虔祈切至願見慈母三載方還夢
旗刺血點母眼即時如故乃知孝道感通甚昭然耳

同上

蜀孟熙販果實養母承顏順旨昏定晨省出告返面
不憚苦辛父常云我雖貧養得一曾參及父亡絕水漿
哀號幾至滅性布苦子地竊處其上三年不食鹽酪
遠近嘆服因見鼠掘地得黃金數千兩自此巨富焉
蜀杜孝已郡人也少失父與母居至孝老後在成都
毋喜食生魚孝截大竹筒盛魚二頭塞之以草祝曰
我毋必得此因投之中流婦出渚恐見竹筒橫來觸
岸異而取視有五魚含哭曰必我夫附寄熟而進之
於姑聞者嘆駭

同前

唐東蜀太聖院有木像制度瓌異耆老相傳云頃自
荆湘沂流向上歷歸峽等郡郡人具舟楫取之千夫
牽挽終不及崖至渝州人焚香祈請應聲而往郡守
及百姓遂構太聖院安置之東川有牙將者其子嘗
病瘖忽一日盡地告其父曰我宿障深重被茲業疾
聞大聖神通我欲捨身出家依止供養冀消除罪根
耳父許之乃虔潔焚修夙夜無怠經三四載歛爾能
言抗音清辨超于恒輩復有跛童子者覩茲奇異發
願于大聖院終身苦行懺悔求福夫逾暮歲忽能起

行筋帶自伸曳驟無礙事悉具本院碑殿東廡有瘡
僧跛童子画像焉同前

宋蘇洵嘗于天聖中奉玉局觀無碍子肆中見一畫
像筆法清奇云乃張仙也無子者禱之輒應洵尚無
子因解玉環易之每旦露香以告乃得軾又得轍性
嗜書者成大儒洵乃自替其像同前

宋成都賈璵年三歲其母因看蠶市二月三日過龍
興觀門衆齊受錄遂請觀受童子錄一階十餘年後
因女兄有疾母爲請處士吳太玄爲入冥看檢致疾

之由仍看弟兄年命因昔經宿太玄還言疾在江濱
求之即差籍中不見有續獲之名父母愈憂復請太
玄看之時太玄每與人入冥檢事必鎖于一室中安
寢而往不許人驚呼候其自醒喚人開門乃開之歷
歷說冥中之事有如目擊言必信驗或兩宿然後回爾
既再往檢驗名字云年三歲時三月三日于龍興觀受
正一籙已名係天府不屬地司籍中不見名字於天
曹黃簿內檢得其名

同前

唐梓州慧義寺釋清虛姓唐本州人也長誦金剛般若

若三業無懈管于山林間揚諷有七鹿馴遶若傾聽
焉声息乃去又鄰居失火連薨灰燼唯虛室獨存長
安二年遊藍田悟真寺上方北院舊無井泉遠汲于
澗運致甚勞時華嚴大師法藏聞虛揚經屢驗乃請
入彌勒閣焚香誦經達旦者三忽假寐中見三玉女
在閣西北山腹以刀剗地便見泉湧虛往其處遂
令人掘之果獲井泉用之不竭

同前

唐釋道濟西蜀成都人武德中濟等賈有萬餘緡自
京還歸道遇新益州尹曹常約款赴任少路費就濟

借數百千到綿州夜與渡江至中流令從者縛濟以籠盛沉水中盡分其財濟有戒行常持金剛經雖在洪波水不入口俄頃如有神力籠浮縛解漂著小洲時方夜半村人遙見洲上有光即棹小舟來視濟因得活時竇公軌爲都督濟往訴之召約詰責全不承認濟爲竇藏匿簾下卷簾以示之約頃首請罪濟苦願放於是不問約泣涕悔謝終身飯向佛經詞前唐西川節度使嚴武少時俠氣任俠嘗于京師與一軍使女有私因竊以逃軍使覓之以聞詔萬年縣尉

事往捕乘適日行數驛得其蹤武自鞏縣方顧船而
下惧不免乃醉其女子解琵琶絃殺之沉于河明日
制使至搜武船無跡乃已及武爲鄴度時得疾甚忽
有一道士至云從峨眉山來欲謁武武異之及階呵
叱若與人論難者良久方止升堂寒溫畢謂武曰公
有疾冤家在側何不悔謝武怒不答道士又曰公試
思曾有負心殺害人事否武曰無之道士曰適在階
前冤死者見其被誣耶初謂是山精水魅遂加呵責
彼云被公枉殺也得請美故來報公乃一女孺年纔

十六七項有物一條如樂器之絃公何言無武大悟
叩頭請解道士曰彼即款面見公公有求之乃令洒
掃堂中徹去餘物焚香昇武于堂門內令清心具衫
芻菹一小童侍側東偏閣內亦令洒掃垂簾道士坐
下堂外含水噴巽又以柳枝蘸水灑地却坐瞑目叩
齒須臾閣中有人吁嗟之聲道士曰娘子可出良久
有女子被髮褰簾而出項上有琵琶絃結于咽下及堂
門約髮於後伺武再拜武驚慚甚反袂掩面女子曰
公亦大忍某之從行雖是失行於公則無所負公惧

罪棄其於他附尚可何忍見殺武愧謝請以經功贖免
道士亦爲之請女子曰吾訴于帝三十年今始得報期
以明晚言畢出至閣門而滅道士亦謝去明日武遂卒前同
宋成都人宋固爲縣之文學鄉耆長有病者困臥境
上時大觀四年朝廷方行安濟法若有病者則里正
當任責固憐于閭官誘令過双流牛飲橋耆病者懷
中有所挾搜之得銀十餘兩乃取之而推墮其人橋
下戒其徒勿得言居無何復至前處失脚墮水中死其
屍出下流五十里外沙磧中舉病者屍令若相持抱者然同上

綿竹楊淮有五不居士傳其詞曰居士述孔業際
代性顯介不能折郎猥競與物若異怯心實難撓曾
竊賢科以文學遊西京西京乃周秦漢隋唐之墟未
央阿房華清含元請遺址皆在焉因慨憶五陵豪貴
莫之踪跡嘆曰矧知予者何補于聖世抑奚用逐逐
哉未三年拜秩成均緣親老遂歸其家圖書外校頭
不滿百錢去郭十里許有別業遂請學稼每有酒輒
便孤酌素心時至不愜情酣醕性喜涉獵書史雖簞
笠耕灌中未嘗去手不求甚解每喜怒憂樂倦懶狂

號則見乎章什以發暢幽興付託已志客來訪既去
人間客居士作何狀客曰不近名不征利不詭
時好不較橫迹不以財累子孫人也居士聞之曰肖
我因號五不居士或曰陶靖節自號五柳王無功自
號五斗居士乃號五不奚取于五居士曰五中數也
于歲爲夏于月爲望于日爲午歲終則冬月終則晦
終則昏盈數也數盈則虧夫君子不居焉昔朝歌何
子平讀易至損益卦嘆曰吾已知富不如貧貴不如
賤但未知死何如生耳因隱居不住浪遊五岳名山

意者亦在于斯居士不知何里人其姓字亦不詳或
曰生于龍角山中云贊曰惟弗拔時俗靡易志衆喜
榮富彼獨違遇酒過三斗咲躍并至雅好比興不揆
蟲枝無豐饒象有恬閒氣人曰無福必曰却是乃若
事靡巨細莫違親志五典四維未敢叛去毀譽沓并
而若唾涕擬其人殆狷介孤立而不流者乎緇竹志
宋陸務觀國寧觀古楠記予在成都嘗以事至沉犀
過國寧觀有古楠四皆千歲木也枝擾雲漢聲挾風
雨根入地不知幾百尺而陰之所芘車且百兩正畫

且不穿漏夏五六月暑氣不至凜如九秋成都固多
清木然莫與四楠比者予蓋愛而不能去者彌月有
刻立廡下曰是仙人遽君手植予嘆曰神仙至人
手之所觸氣之所呵患疾者起盲瞶者愈瘵殘枯朽
而金玉瓦石不難况其親所培植哉久而不槁不死
固宜欲爲作詩文會多事不果嘗以語道人遽昌老
真叟以爲恨予旣去蜀三年而昌老萬里以書屬予
曰國寧之楠幾伐以營繕郡人亦金之僅乃得免悵
卒不免也君爲我終昔意予發書且嘆且喜大勿剪

懋崇恭敬桑梓愛其人及其木自古已然姑以蜀事
言之則唐節度取孔明祠柏一小枝爲手板書于圖
志今見非詆蔣堂守成都有義政止以築銅壺閣伐
江濱廟樹木坐謫言罷亦書國史且王建孟知祥父
子專有西南窮土木之侈沉犀近在國城數十里間
而四楠不爲當時所取彼猶有畏而不敢者况今聖
主以恭儉化天下有夏禹卑宮室漢文罷露台之風
事閭方面皆重德備人豈其殘賊千歲遺跡侈大棟
宇爲王孟之所難哉意者倩出于吏胥梓匠欺罔專

恣以自爲功而已使有以吾文告之者讀未終篇禁
令下矣然則其可不書

事文類集

廣安州篆水記畧成化十年甲午春二月四日己未
廣安守臣遵國家常典有事于山川九日甲子兩雪
其占爲有年十日乙丑雪晴風日妍美太守端溪許
公仁命駕郊行幕賓臨武黃君永明文學博士武昌
王君廷威州彥桂史鄧君邦用泰守鄭君廷舉暨余
定凡五人聯騎出城地五里許至三十六灘之上皆
舍輿馬徐行灘石盤踞長數百十丈下或窪洞嵌巖

深可五六尺水清澈可鑑龜髮因與共尋所謂龍鏡者則大小二穴前後相聯前穴水半其出有圓竅相通前窺之則後穴影黜水面宛然如明鏡也石上篆刻龍鏡二字猶隱隱可辨其旁有若盤盂者若梳櫪者若茶甌酒杯者若筆管者小大不等或密如蜂窠或疎如棋子或擺列方正如茶盤奇特之狀不一而足侯顧謂衆曰斯固奇矣至如所謂篆水者果孰是耶柱史君曰圖經云歲當稔則篆水出是不常見者以故父老失傳未易指覓候曰君何自信今不稔乎

乃與衆率水澗而行倦憩石上石洲坦平淺水湛然
可愛侯起倚石崖注目見水面忽尔旋轉泛若油珠
驚異之衆亦聚而觀焉意即篆水或者不然侯固姑
靜俟之須臾分明若篆籀文者數千百乃尔漂漂而去
衆始駭異以爲空見侯乃命剡蘚絛崖尋舊刻而攷
之則載淳祐乙丑仲春望郡守武昌焦達視農于郊
耆老曰此天生篆水也出則時和歲豐二十有年載
人莫得見今太守戰暴安民而此水時出云衆始釋
然信篆水之不誣我侯之趾美而修也皆喜而據石

臨流酌酒以爲豐年之慶

作記者爲廬陵李定昌撰
之子仕廣安訓導

何景南遊資縣東巖詩人事何時休紛來如野馬相
携解鑣處去約岩之下清涼二城兩况值襁褓罷白
雲醉堪眠青草春可藉泉井嗽蘇醒樹好留閒暇頻
遊我嘗慣忽至公成乍徘徊共幽興靜坐絺衣掛中
間五百士閱世知幾夏莓苔自成古香火仍同社巖
縫更依然莫問豐于話

資志

李應元登雅州蒙山詩振衣萬仞岡頭路蒙頂蒼蒼
倚大羅欲向雲邊看五岳先從雲際揖三峩上清峰

冷開玄室井露泉空照碧蘿莫謂天台迷舊處青鞋

緣杖擬重過

雅志

劉大謨遊資縣重龍山何年卓錫倚層空樓閣遙聯
紫極宮義駕遠馳青海外人家羅列翠烟中虛堂繚
渺高僧定小徑微茫下界通盡日徘徊渾不厭蛇松

鳳竹鬱葱龍

資志

龍昌期三山即事百貨隨潮船入市萬家沽酒市垂
帘蒼烟巷陌青榕老白霧園林紫簇甜

仁壽志

宋京遊資縣北巖資州城郭雲山裡北巖正在雲山

底翠壁嵌空抱月明飛閣橫斜
甍天起遊人祇解愛
城郭不知山底幽人樂六月全無暑氣生三春亦有
林花落蒼楠臥月影如輪乳泉濺電波生鱗利名付
與百忙者早晚自由無事身紅蓮幕下青城客五斗
留人歸未得衙回不用展山圖直到岩邊看秋色
開縣有唐張籍梅溪絕句自愛新梅好行尋一徑斜
不教人掃石恐損落來花餘不盡錄

宋喻汝礪雲安正岩次涪翁四首其六徑向山腰轉
門從水面開片雲岩下宿一鉢剌方來落日漁樵樹

輕陰花覆苔惟應荔枝熟時躡白雲迴其三路暗松
杉密天空霧雨開山容依檻轉鳥影度江來汲水僧
歸寺啣花鹿印苔年年蚕麥熟客道輟齋迴其三我
來二月初荔子花未開僧云此果熟日日公人來自
從劉使君樹下生莓苔久欲斫此樹爲公且遲迴其
四劉郎年三十見事心孔開雲安十二鄉麥炒相往
來市欄足軋柿印窠生綠苔明年當替去誰挽馬頭

迴
夔州志

夾江宿進青溪漁隱詩磷磷溪頭水盤盤雲裏松布

水須留月有松須乘風乘風氣清爽留月光瓊瓏
水流不去松濤常鏦鏦此境界易得懷哉漁隱翁
江排律云天地張機軸陰陽散縝紛鳳梭流日月
龍轂捲霞霓織女無庸巧天工豈在勤源頭飛絮練流
處洩玄纁天濶江牽線風清浪皺文花飛明濯錦烟
裊暗藏雲誰把并州剪今裁阿錫文峽門疑是東江
閣名爲縝吞日頽紅見臨崖綵絲聞若鋪青作襖苔
襯綠成裙伯禹殊縫補元明亦煥灼

夾江志

宋慕容百才大劔山排律李勢非嶠虎公孫是井蛙

聖朝無外戶夷壤盡爲家
疊嶂寧湏鏹停設久廢掘
原鱗生駱令鈎馴入彭衙
關失千年壯方表萬里遐
商淵盈瀕洞使節偏鈴卻
岑蔚誰鵲鳥豐葵自樂靡
烽屯開雨雪樵爨老烟霞
帝德朝宗地仙遊上漢槎
賞竒酬酒興摘藻謝詩葩
階走楓林葉窓催柏燭花
山亭無刻漏隱几待鳴鴉

劍州志

瓦屋山徐瀾

縣志

絕句

瓦屋山高雲際來飛巒疊嶂

九霄摧輿來獨立金剛石雪海孤松翠作堆

雅志

楊靜

元

綿竹縣治詩通獨砌石鱗生鱗主兩人家屋

宇新嚴子何祠存古里魏公無第與比鄰傳訛但說
千年樹問話那逢百歲人回黃向來佳麗地暮雲斜
日紫巖春

眉州孟拾遺祠二絕句一筆何罪歿何名千載惟君

與屈平從此蜀江烟雨夜杜鵑應作兩般聲右裴翠

益西蒙駱谷塵尚從奄佞分亡身拾遺竟入玻璃水

猶勝淤泥白馬津右簡紹芳

羅洪載城居憶山四首一日到城郭滿目是飛埃憶

我紫山好拂衣歸去來右一城中豈不佳華屋鱗參

差不奈人語喧夢我山與溪

右二

溪山素所有新結

讀書廬白雲時往來碧樹相蔽虧

右三

農夫抱膝嘯

村婦餉耕歸鳴鳥在茂樹吠犬迎柴扉

右四永川志

綿令張文奎前溪庵絕句一棧流泉注石缸籬門穿

樹不須窓山僧那識王喬令帷見飛鳬落一雙

又王

壺携上翠微岑我卧苔茵君自吟別有一般清賞處

溪山雲月幾知音

綿志

唐韋懷太子贊皇宗子也上元初太子招集諸儒註

後漢書爲武后所忌廢爲庶人徙巴州尋遣使逼令

自殺遂瘞于巴山當時有銘其墓者云斷一指得天
下几人不爲殺愛子竊帝位武后行之噫嘻一覽之
遺囑萬世之元龜

併寧志

宋榮王貴誠光宗子初名徹封衛國公開禧元年詔
賜今名封榮王以嘉定州榮縣爲王國築城周二百
丈號曰榮王城元末始廢遺址今存初榮王爲遂州
刺史領梓遂二州大中祥符八年四月二十三日夜
榮王宮火起連二夜一日燒燬宮殿屋舍二千餘間
救焚而死者千五百人至五月三日落遂州節度使

降封端王許見蓼花洲閒錄

道仙一名傳仙康居國人初以遊賈爲業後值僧達
禪師爲其說法遂沉其船辭妻子投灌口竹林寺出家
初落髮日對衆曰不得道者不出此山卽迴絕人
蹤結宇巖曲端坐靜室窅若虛空有時預告明當有
客至皆如其說齊始興王鑑褰帷王蜀甚禮之時遭
酷旱百姓請祈卽往龍穴以杖叩問果有應

板始興王本蕭

齊氏蕭志載梁始興王蕭宏正之

元平江會道觀生鄧道樞綿州人在宋季爲道士時

齋法已精際遇理度兩朝十日謝后遣巨璫召至內
後門泣降德音且令甘寶軍令狀使無他泄乃謂曰
吾昨夜夢見濟王怒其以爲吾且將兵出獨松關入
滅汝社稷矣吾此夢頗可怖汝可就南高峰頂爲謄
心章哀告上帝已而黃頭先鋒斬關而來宋亡後鄧
遂柔觀以居常語人如此

南村輟
耕錄

李令伯陳情之後劉終服闋再徵乃至司空張華常
問之曰安樂公何如人密曰可次齊桓華問其故曰
齊桓得管仲而伯用豎刁而亂安樂公得諸葛而抗

魏任黃皓而喪國其成敗一也次問孔明言教何碎
密曰舜禹皋陶相與言皆聖人也故典謨可簡諸葛
公與九人言不得不碎華服其論由溫令召入遷漢
中太守頗懷怨望詔賜餞東堂酒間賦詩末章云人
亦有言有因有緣官中無人不如歸田明明在土斯
語豈然武帝見而忿之奏免官卒于家

眉志

遂寧丹和甫爲僞夏明昇叅將守明水砦 皇祖平

蜀和甫人之後事聞欲求其子孫已先變姓名爲高
氏矣今爲忠誠里人高生尚志者乃其裔也

遂寧志

浙中楊訓洪武中傭于大竹劉鈞壽家容貌畧愚居
二年主人不識也一日鈞壽誕辰賀者滿堂訓問何
爲左右告之故訓曰訓受主人翁存養今值此慶旦
請給筆札作詩以報詩甚有體鈞壽異之曰我聞元
有丞相避兵入蜀得非子耶訓亦不荅鈞壽待以賓
禮曰以子文林從學後登甲辰科曾祭榜進士

大竹志

中江王隱居孟蜀時人抱道不仕充工于詩有落花
吟云富貴雨中花昨開今復落無人解花意俱爲貪
花錯蓋有感于時事與吳之巽暴貴于天刑之旨同

而意尤含蓄其養可知志在遠引故姓名亦不傳焉

中江志

宋吳之異大竹人逾職嘗欲以季春聘士預令就聘者書行藝年籍異叱吏曰此何時耶因作詩曰困窮何用怕鬼笑暴貴不免于天刑卒不為撓賊平始應聘有司以考禮正刑一德以尊天子爲問異拊髀曰吾氣昌矣援筆成文遂冠多士

同前

龍安府近昭劔地方山崩內有石粉如麪民取以爲食單食之則病和麪則飽事在萬曆三十二年考別

志曰山產麴民有饑存心錄載武后時武威龍石化
爲麴貧者取以食卽此類也

龍安志

大足化龍橋相傳溪中有珠浮水上邑人聶姓得而
吞之遂化龍去因以爲名

重慶志

開縣龍馬洞在縣北五十里門高一丈方廣二畝肉
有一石塔高一丈一石座高七尺上有石傘罩之又
有二石龍頭角崢嶸牙爪奮露置石柱挺立不倚一
石鼓擊之鏗然有聲上有瓔珞下垂如旒珠狀者百
數五彩祥雲舒卷不忒形像巧于鐫刻石壁下有井

一口方廣二丈深不可測有馬蹄跡有井中出入錯雜
稍北又有洞門高七丈許以火燭之可行三四里火
滅莫能進洞口有延真觀圯壞遺碑剥落

開縣志

藩司史陳嘉祿寫